



秋澗先生大全文集卷第六

七言古詩

舒辟劍歌為太常公弘術賦



龍泉之精老蛟血躍入洪爐凝夜雪至今元氣老不
死粲粲碧葦浮兩脅雀環金錯赤絲條蒼水夜擲天
為高或云徑度海西陲佩非其人有所歸夜飛入燕
人不識天以神兵示中國宋侯磊落書中傑碧眼風
湖物情格窮幽抵祕竟圖經羽窟崑崙騰口說黃金
臺下喜相逢醉眼高歌得玉龍摩挲神物萬金重箕
冠傾倒琉璃鐘蹇予元年燕市客走馬來觀嘆奇絕
雪屋燈青寶匣開紫氣橫衝箕尾滅悲風凜凜入座
寒山鬼吹燈中夜泣當年天矯龍性在入手無方恣

舒辟金精固列五材首堅質柔資苦差別彼人之性
而與同太柔失威剛則折吐嗟此劍陰陽全雜愛雌
縵俱赫然君不聞淮陰未遇賤且貧愛而服之良有
因無何大遭跨下辱亦如此劍能屈伸一朝攀附赤
龍飛六合風雲入指揮漢家日月四百載亦從此劍
騰光輝宋侯篤我卓所立一日三看曾不惜我今作
詩私自教重為歌之感疇昔多君振厲義且誠羨君
小試妖氛清三年盜弄潢池兵亞夫持節東南征此
時宋侯佐戎車一揮逆儔生白髮纓纓短衣非我事
談笑自有聊城書斬鯁歸來袖至底拂拭海西心自
喜不須夜平舞荒鷄得君亂絲為君理况君天富席
上珍曾蟠萬卷餘經綸

天王未入非熊夢此劍應須檢子身

飛豹行

中統二年冬十有一月

大駕北狩時在魚兒泊

詔平章塔察公以虎符發兵于燕既集取
道居庸合圍於湯山之東遂飛豹取獸獲
焉時予以事東走幕府駐馬顧盼亦有一
爵之快因作此歌以見從獸无厭之樂也
予時為左司都事

二年幽陵閱立甲

詔遣謀臣連夜發春蒐秋獮是尋常况復軍容從獵
法一聲畫鼓肅霜威千騎平崗捲晴雲長圍漸合湯

山東兩翼閃閃牙旗紅飛鷹鳥走大漢人事以豹取獸
何其雄馬蹄蹴麋歛左與赤緜撤鋌驚龍騰錦雲一
縱飛塵起三軍耳後秋風生豹雖逸才不自惜兩血
風毛摧大敵風煙慘淡晚歸來思

君更上單于臺血埋萬甲戰方銳瓜牙正藉方剛才
古人以鹿喻天下得失中間係真假元戎茲獵似開
先我作車攻補周雅大笑南朝曹景宗誇獵空驚弦
霹靂何曾夢見北方強竟墮閉車甘偃息揚鞭回首
漢家營一點槍纓野煙碧

匹紙歌謝王道人子寧

楚山脩竹森如玉千杵鳴砧響空谷溪翁鬪巧紙愈
佳淥泛秋江連百幅春斂龍燠素練輕鳥梭停織天

孫顰聲光一日天下白千古作配中書君道人來自
蒼陵天各品閱盡東吳舡惠然贈我以此紙入手展
放銀河翻脂凝土瑩絕纖滓同流綽約貌似姑射之
真僊扶餘綿瓊固堅膩中有雲影靈霽浮秋瀾金華
五色非不佳不放墨松使者光通玄何如此君貴重
百金比當與登心玉屑並驅爭後先媿無少陵詩魯
公筆如椽揮毫壹掃空雲煙文章元氣古牙間玉堂
人物今翩翩此而不贈返惠我夜光暗投真可憐道
人一啖春生頰琢腎雕肝爾心折千首新詩意未窮
分取煙江愁萬疊我今靈臺久荒穢老樹秋蕪餘廢
埵何時除治若此紙一片冰壺貯秋月深藏且須珍
惜之準備虛堂夜生白

金馬門行 與董參謀彥才之元帥府

十年金馬門中客，萬里風雲橫上策。貂蟬要自出兜
鍔，擊舟渡江江水窄。新豐樹色繞千官，一片丹心懸
魏闕。洞庭白波木葉下，千騎臨江思飲馬。堂堂大帥
晉龍驤，聲振南陽無呂賈。止則如山戰則克，更著君
侯衆幕畫淮陰。何止一軍驚滿眼，旌麾動秋色。方竈
連營楚戍烟，一樽回首銅駝陌。功名年少貴力取，行
與諸兄垂竹帛。寔予久事筆研間，天東倦客未能還。
夢回破屋見星斗，商聲夜半歌南山。虛名不到麟閣
上，白日能饑首荷繁。何如乘此長風去，濁浪吹破東
南天。

相從行贈宋兄弘道

宋君茂異誰其儔，事業當向前人求。羣書磊落載其
腹，人道聰明似鄴侯。黃陂千頃不足泳，入海鰲背龍
驤舟。十年霧豹棲巖幽，每恨南海北海風。馬牛碧雲
望斷西山取爰而不見，心為憂向未文彩珊瑚鉤。寧
胡一曲不自休。公嘗作寧胡關壯懷似欲寫孤憤，筆
力倒挽西江斜。古今樂府非不優，例以哀怨更相酬。
蛾眉命薄黃金貴，青塚雲凝紫塞秋。多君變體不師
古，一掃萬古琵琶愁。我忻得之三過讀，如入武庫森
戈矛。乃知鳳凰在歧世，自瑞春風百鳥空。啁啾乾坤
吾道方悠悠，天公界子鳴中州。喚回海嶽三生夢，獨
倚元龍百尺樓。今年冠劍平津閣，積憂一見心為瘳。
識君恨晚愧全志，正以羔羊之鞞緣飾青貂裘。古今

為諱分清流不用倒翻鸚鵡洲期君有直與東周不
然君為龍我亦同雲浮自茲攀逐不相失四方上下
從之游

南風謠送董端卿之鄧州軍幕

南風不競兵塵塵兩淮春燕趨林巢

吾皇明見萬里外欲以德服兵死勞已聞灌莽極目
地乃屯春事開林臯紫騎將軍賢且豪智略往往超
龍韜一軍壁楚號勁利眼中勦敵死劉曹今年分閩
鎮鄧鄧旌旗改色天為高芙蓉幕府固多士更以厚
禮羅英髦君侯漢庭選經濟憂而咎婉畫乃餘事白
羽風蕭騷年雖哀樂境兩鬢無霜毛如君名宦不可
逃繡花未滿千金刀鸞鳳忽爾辭蓬蒿此行莫起觸

熱嘆將軍好士心怱怱得君豈止解鬱陶投竿如掣
東溟黿飛棧走翰鈴閣底駸駸欲逼令家綸秋風鼓
角驚江濤軍中氣和投楚醪兵家耕戰諒有待雲雷
隱伏池中蛟一杯漢水春蒲菑楚人雖猛輕秋毫知
君談咲辨此事長江聽渡龍驤艘長江聽渡龍驤艘

長劍行為王子初賦

老蟾破雲光走庭清風西來散餘醒斗間紫氣望不
見太白皎燦無光晶燈前惚惚值蒼水使示我寶劍喜
且驚芙蓉匣開吐竒怪分光盡萃此劍之精英蒼虬
翻風白日動秋水背露龜鱗青昔之所愛今乃遇覺
我炯炯隻瞳明青衫試拂拭硯磊難自平平生疾惡
腸為爾芒角生我聞乾剛甲五材鍛成玉龍復以首

利庶物稱佩非其人尚不可况乃用之高庫而無經
君不見趙文失所好日夜徒擾曼胡纓朱雲妄其請
折檻反取訕訐名劔之於人無適莫用之得術如雷
霆又不見周公管蔡舉謗息四國寧聖師兩觀誅正
大貫日星遂令千載下妖腰亂領寒於冰引杯感古
我自惜儒冠突鬚嗟無成之子風雲七墓蘭如長卿
飄飄四方志早以文章鳴君与劔無父蟠决雲會看
昇青天黃金錯環蒼玉佩攬環結佩
天王前慙懃祝子無多言不誅已然誅未然

雜言喻為彥政失子作

堂上慈親頭白絲慰心頗有寧馨兒嶢嶢頭角日方
露誰揮如意擊碎珊瑚枝不知與奪果何主變滅歎

歛無旬時驪龍失頷珠海窟黯慘鬚眉垂老鶴憶別
雛淚眼叫斷秋天低彼蒼块北於我本無有何事誕
說立象為鑪鍾陽春豔豔木自榮非春一一點化青
紅姿秋風蕭條羣木脫物感秋氣彫悴又匪行陰機
乃知生死天地間花落殆似東風吹蜂房魚腹
得至理子夏失眠傷天彝西家因果蠱流俗東家間
之為朶頤蕃延踈薄無定分慰懷當取昌黎辭父子
自天性東野能不悲君年正鼎盛情鍾感非宜况夫
先子澤渾水清而漪吾友賢且孝舉案加有梁鴻妻
捧檄為親屈晨昏歸來侍庭闈我聞善積有餘慶他
日當有螽斯詩

湧金遊 并序

予回轡共山有客過而問曰湧金之遊樂
乎曰樂矣不無詩乎曰无有也客曰事樂
會之於心心樂寓之於口且蘭亭之勝至
今尚為美談者其以有託於斯文也客退
於是乎書長短句以歌時孟夏十四日也
曉雲拂山山氣昏坐來万壑烘朝暎丹崖翠壁畫莫
出但覺詩境供愁新地靈祠古秘幽怪天授神柄寧
其尊年年簫鼓祠下路東風十里揚花春我未愛此
山水窟天氣着物清而温湧金亭上一盤礴主人留
髡醉金罇水邊澆養多麗人往來但看珠翠裙不知
僊家足奇貨明珠脫串一一浮出摩尼真波間可翫
不可撥雲錦翻動玻璃盆書生潤身那羨此席上正

有吾家瓊舉杯酌水但默禱山靈垂意哀王孫願分
秀色貯詩腹一洗万斛胸中塵仙官有請因不拒山
鬼竊笑君無因不然結茅傍脩竹雲烟占断西湖曲
月明舒嘯碧山巔喚起公和跨黃鵠

秦川行送張孝先

北燕豪俠南州客去歲辭家今八月霜風樛薄一貂
裘不為死金少顏色平上弓劍只餘事滄海風雲居
上策今年棄繻復入關春光澹沲迎征鞍周侯磊落
天下士橐鞬賴子為周旋我知黃鵠志千里此舉橫
絕青雲端長安西望白日近解鞍多在清明前新豐
酒斗十千長樂坡頭楊柳煙曲江花滿樹春風怨啼
鶻對時感聚能不動鄉思丈夫有淚肯洒離別間驂

駟得路足神駿我非統朝愧之黃金鞭君不見古人
勲業貴少壯莫待拊髀悲流年

東方碑帖歌謝子初

魯公筆法天下雄東方一贊其猶龍嗟予愛之力莫
致夢魂幾到平原東我雖不解書慕此忠義夙有唐
天寶初禍首營州奴羣兇一朝起氛侵連神都廿四
名郡風靡隨盜區堂堂顏使君徇國思捐軀竟以七
千衆不為胡塵汚乃知大節初不以藝自殊曾中義
氣蟠不盡徃徃翰墨據其餘况茲游藝君子責古人
以字為心畫先生不知作何狀觀此寶墨事可測書
學到君稱絕筆凜凜英名貫星日晉漢名書凡幾家
奄奄為君皆敗北宜乎肩山公謂此能事畢出於右

軍擴以大北並離堆當第一秦氏龍蟠古井波將軍
虎卧南山石又如大人垂紳正笏廊廟上忠厚之氣
了弗事緣飾嗟此至神物每為好事得君家父子賢
向歆只今好古喧詞林幾年秘此分賜我拜嘉不翅
千黃金君心若此真尚友我報愧無瓊与以歌成大
笑不自量擬与君名傳不朽

墨竹歌為共嵒處士石盞公作

吾生愛竹無嗜石手不能書漫成癖憶從林下七賢
游終日摩挲弄寒碧山河一自隔黃壚塵土填浙百
憂集得君此畫忽灑然元氣淋漓障猶濕滿空月露
下寒梢人去山陰鎖幽寂又如湘妃廟前風雨晴翠
袖紛披山鬼泣幾竿迸出太古崖老節雪欺初不惜

表將一片歲寒心不與繁華競朝夕東欄牡丹鶴翎
紅西沼芙蓉絳珠色歌鐘傾國樂芳年以色事人能
幾日何如鴨江居士詩骨清而臞手種此君忘肉食
不須拄杖敲人門万斛清風破窓北月中看竹掃秋
影妙得於心發之筆興未落紙出意表擬學湖州城
形迹嗚呼湖州已矣蕭郎遠今代名家澹游客君不
見李杜文章万丈光一日齊名偉高適

乞鴈歌

呂東平江海客一鷓盤鷺空百老耒機械淡相忘
獲雁隨行聲格格階除得食藏頸眠惱不及鄰其亂
聒兩堆晴雪春不消暮映書窓生夜白終朝司警代
黃耳夢破煙泣秋拍拍主人對之心愈閑感念物情

終桎梏家中又厭食蟻蟲一夕籠歸山下澤今春郊
捕衆鷓息百日已能過所出青山滿眼映一群泛浦
眠沙白勝雲稻梁樓晦秋正美約我充庖潔口殮能
鳴見害古所惜我心念之生憶仁勸君深藏養子刀
解縛歸來養雪毛右軍閑適久無伴許贈一隻相與
遨西溪秋水深幾篙江天漠漠秋風高歸飛不隔暮
雲遠放尔縱觀心亦泊俯歌雙鴈行仰送孤鴻杳洞
庭歸客渺无音万斛羈愁坐中老節旄零落瘴海煙
冠蓋都門開昏曉我欲因之附尺書西北煙塵靜如
掃

夏夜晨起理髮時日疾新愈

居閑早眠復旦起遶樹行吟殘月底鄰鷄聲裏候東

方曉色雖分氣清美雙瞳自為苦所纏兩鬢鬢鬢思
且理青絲髮散滿有雲千梳未暇百梳勤餘邪細逐
老節散風露氣入秋蓬根疏通百竅勝新沐一洗耳
目清而微朝有蠅子暮有蚊事隨日出更紛紜侵晨
有此至良劑肯羨郊盈松醪春詩成因謝草堂客愁
摩養生非妄論

衡門行送陳長卿

衡門棲遲樂吾樂甘着輩流譏東閣長河其奈不療
飢誰暇物情論厚薄前時行臺領漕計處士半為餬
口起長年巨鼠有餘壞比比吾儕廢生理嗟哉陳君
何苦節天東游子天西客監河執去餘葉在客舍半
緣淇水測書生辛苦學干祿入手青衫得藜藿塵埃

風雨蹇驢瘦日就空倉自羈縛今年幸得解由了超
海挾山初不惡暮春之初日東作陳君叩門聲剥啄
向子長跪話遠行上計又須趨薊朔携書五車煮不
堪舉室舟行更蕭索前因未必是亨衢着脚如堪戒
前錯若於金粟例言拙誰着裴劉供調度逢時正有
利不利有命豈論賢不肖長歌西北酒一杯浮雲漸
遠天寥廓東曹若見王春官道我行藏事如昨幾年
奔走一墮旣蕙張歸來慚怨鶴濟時幸有公等在擬
把一竿尋釣壑因君悟我向來非相送出門還一喙

大雹行至元四年五月十五日也

雷師掠地西山麓北會豐隆出蒼峪崩雲捲落赤日
烏烈缺光騰燭龍目黑風駕海天外立万騎先聲振

林谷雲濤怒捲惡雨未中雜冰九幾千斛殺聲咆哮
屋碎瓦百萬神兵自天下奮然橫擊合陣來昆陽之
戰何雄哉又如馬陵之道万弩發矢下雨如瓦魏甲
斧形鷄卵見自昔異狀竒模此其匹野人庭戶變綃
館霧湧煙霍與龍敵又疑蛟人泉客泣相別淚灑珠
幾恣狼藉葉穿鳥死庭樹慘禾麥擊平驚緒赤神威
收歛俄寂然瀟瀟合浦還珠玳整冠變色立前庶但
見土窩萬杵一一皆深圓五行有占非小變調元夫
所誰之愆又聞夏冬愆伏之所致亦以坎治持化元
孔子修春秋二百四十二載間特書雨雹凡兩次大
率災異臣下侵君權况今朱明壯陽月胡為縱此群
慝之所賴歷闕上訴九虎怒蟻虱小臣非所言獨憐

田家被畱者寒耕熱耘手足成眠胼差科大命寄一
麥眊眊見熟療饑涎一新到口不得食哀哉何以卒
歲年

捕魚歌

塢西溪水深及篙漁戶曉集拖輕舸縱橫張網截兩
溪擬叉遠混驚銀魴柳陰潛泔深且密大魚小魚爭
遁世須更合網環深碧薄摻提網從掇拾小魚骨罌
半死生口頰驗喙無足惜就中一魚匪常林黃金作
鱗尾砂赤泳游本在孟津居波蕩江湖事行役中涂
遇厄夢不神騰躍舟中有時立漁郎廻艇催歸急幾
處金盤待鮮食夕陽澹澹洲渚空回風瀟颯溪神泣
網罟設兮水不深役物而君戒貪得古人數罟不入

池以時漁捕湏盈尺今人古道棄如泥竭澤焚丘意
方卑野人有樂在濠梁澤畔行吟三嘆息一

宿仙山朝元觀題示

太行北走開四門川原落落風煙屯仙山西峙如虎
踞石嶺東抱猶龍奔道林中蟠百餘畝顧揖殿寢何
雄尊仙翁得僊事悄恍碧霞洞主玄元孫百年朝元
去不返寶籙秘泄風雷燉陰靈訶護石壇古老雨留
清蒼蒼痕緬懷矯矯東瀛老變化能大天滇鯤謝公
本是濟時具誰使卧老東山墮豐碑不愧蔡邕筆再
拜遺像儼以温我未夏交樹陰翳万橘翠瑣芬蘭蓀
平生素有林壑癖苦厭園園埃霾昏每未福地愛瀟
爽跬步乃志仙凡分山川景氣得人勝喜對羽客開

清樽夜深靜卧月東出林影布地翻瑶琨天風吹空
万籟息明星當上手可捫恍然人境兩奇絕月露一
洗清心魂世間塵土幾千丈有夢不到瑤臺琅人生
幾何胡不樂例自跼束駒服轅惜哉清景不可駐一
聲啼鳩開林煙明朝人事随日出坐看蟻穴蜂衙喧

鴈門公子行贈李仲明万戶

鴈門山高幾千仞風土雄尊號全晉君侯年少出純
袴裘馬輕肥寗時雋古未豪傑數幽并柳子不須誇
晉問蹇予三年東魯客塵滿青衫鬢雙白書生無策
伴侯鯖尺蠖泥蟠甘退縮此時全君幕中游袖手旁
觀看超越條籠脫落不受羈意表出奇人叵測健於
豪鷲快一擊霜翮盤雲勢鷲空百愛君肝膽向人開遇

事剖析无留材世人荆棘塞靈府米事掛眼生嫌猜
丈夫所責氣為主行義不虧誠可取區區心計米益
間束縛真為抱官虜相期心事李西平錦韉家世蜚
英聲天其藉此作事業未害蹉跎魯客卿眼中人物
真知己舉世論交多逐勢贈君一片百年心意氣相
傾岱山如礪羨君才氣真英耳鬱鬱安能久於此煙華
紫禁正縈繞臺閣群卿半卿梓明年焰焰動北方騰
踏風雲乃吾子

贈田生赴監河之召

田生操履凌高節三載奔馳秦隴川長年愈覺世事
艱中道毀車思遠業故人戀戀監河侯願分斗水相
為留古人有志患不立抱關擊拚非所羞君不見黃

河三尺鯉風濤終化禹門秋

贈孟祝史德卿還燕城

孟侯落落明時佐從祀歸來喜相過探囊擲下珊瑚
鉤海岳英靈駭馬甌墮淋漓元氣星斗光照徹龍淵得
奇貨我初把翫三歎息不覺秋風吹屋破大一直僊
令綺季入奏竹宮瞻紫氣受釐宣室想所陳不獨碧
鷄金馬異朝家望均董曹賢祝史孟君今偉器明年
豔豔動北方館閣風生駭馬一世因之啓賀康行臺為
國得賢真宰惠

題韓幹畫馬圖韓御史君美所藏索賦

火輪凝空汗如洗老坐烏臺簿書裏韓君忽出天馬
圖瀟颯朔風生駭尾吁嗟此馬未西極細看一骨千

金直當時開元監牧盛赤岸千群雲錦織奚官袍帶
蒼髯戟碧眼深藏九方識豈其此骨獨當御轉盼君
息仗前立幾年扈從東封還霜蹄蹴踏長楸間驪山
武事厭不講剪刷日應供帝閑寫旗百里臨潼道華
清宮殿春風早黃金羈勒王華駿遊幸君為玉環老
幹時供奉屬車塵思入星精奪天巧興未承認貌真
龍翼北驂駟歸一掃古人盡馬需神品骨相權奇氣
深穩將軍曹霸幹所師乃古丹青少陵引韓公得法
固入室千文光輝誰所準自經題品雪堂僊章偃龍
眠徒滾滾嗟予何者牛馬走開卷賦詩還自哂韓卿
朝騎御史駟暮擊九禽健秋隼更煩牢鎖玉麒麟隄
備雷風車轉秘本

梁秀才惠張梁時在制中

君家堂前棖兩株汝父當年手親植洞庭波子霜滿
林摘惠晴窓慰幽寂夜堂張灯動春酌脫帽驚呼夢
疇昔摩挲兩手三日香感舊懷人淚霑臆一燮照耀
黃金苞露香冷落銀觥挑呼兒走問鄰墻酒早晚玦
珠滴小槽

三勒漿歌有序

唐代宗大曆間幸太學以三勒漿賜諸生
此後不復聞於世今光祿許公復以菴摩
訶毗梨三者釀而成漿其光色曄曄如蒲
萄桂醕味則溫馨甘滑渾涵妙理及薦御
天顏喜甚謂非餘品可及遂時供內府不

肖以露瀝之餘發為歌詩于以見

國朝德被四表方物畢至之盛詩公愛
若之心以湯液醪醴

聖壽於無疆之休也

金天一氣何奇特異品珍材表馨德翠麓萬里入貢
來赤佛堂西漢家邑異哉三勒見圖經祗解有靈能
愈疾豈知用外截妙理瓊醴蔗漿非所敵誰傳釀法
自太古滿甕春雲元化濕就中至味真玄酒豁達靈
根三益友許公得法神所傳一醞天成漢重酌儀狹
拊掌若曾伯鷲五百年來未之有芹香背炙固區區推
以愛君忠且厚彤芝蓋影擁紅雲湯網初收在靈囿
月華冷落露盤冰三燕芳溫挹天斗金靈燄灑久承

案不能餐我輩何功食天祿

秋澗先生大全文集卷第六

秋澗先生大全文集卷第七

七言古詩

題薛少保稷畫鶴圖

晉公化筆神胎禽超超中有萬里心通泉老壁墮茫茫
昧此幅寫影逾精深細看粉墨色欲盡元氣突兀開
雲林雙脰森碧玉老頂朱砂丹舞風警露兩無謂理
此脩羽何翛然韜憩不受世塵汗真骨照映蓬壺僊
王恭雪鬣忽散亂幾點冷卧瑤池煙恍疑坐我九臯
下髣髴清啖聞秋天華陽宮深春晝閑晴苔冷啄松
陰寒宣和六客儘模寫夢不到此宮清妍蹇予三年
事擊搏俛仰隨人空飲啄長纓塵滿抗凡容比擬孤
清餘愧忤君不見坡仙作嘆真可人退易進難良自

度摩挲老背忽驚心以倖乘軒非所樂仙槩月露濯
金莖綠野風煙連竹閣得陪高步繞池塘老我何心
望冥廓

僧傳古坐龍圖嚴東平所藏至元二年秋
九月張簽省耀鄉處觀七年閏十一月甲
戌公退馬上偶得時秋苦旱冬天無雪

深山大澤物所蟄千丈懸宗掛青壁潭陰水黑不見
底老雨初開元氣濕蒼龍何處行雨歸闖首踞坐紅
雲堆山僧駭絕噤不語萬壑陰霧生緇衣咄哉傳古
隱龍性隔戶馮影窺天機一從元化墮此筆飲海不
復觀晴霓世間畫本萬尺蠖尾鬣一掩無晶輝此年
一旱幾焚如牲幣空事山川零群龍癡睡洞府黑六
合任使黃霾污何當鐵匣出雷火衝屋而去騰天衢
六丁奔命僕射御倒捲溟渤天瓢輒滂沱一洗軋坤
淨却歛神功寂若無

趙邈觀虎圖行田給事和卿所藏

巔崖老樹纏冰雪石甯柯枳橫積鐵北平山深林樾
黑下路有逕人迹滅眈眈老虎底許來抱石踞坐何
雄哉目光夾鏡尾束膊百獸却走潛夙埃趙侯欲盡
神妙功都着威稜阿渚中想當礧礧嘆墨時衆史縮
手甘凡膏至今元氣老不死神物所在纏陰風前年
驅馬下靖邊岷東突起草底眠腰間恨無鐵絲箭寢
皮食肉空長嘆今朝過喜一嚼快熟視須頂為摩編
貨馴跣服暴戾息弭耳道義思拳拳主人愛玩中有

謂遇事炳變通經權我聞漢家大獵陸冰天豸冠思
賦長楊篇四方猛士今雲合早晚龍所到渭畝

揚秘監百馬圖孫子譽歲

異北之士馬所生息軒英爽房良精定年苑馬九幾
抹故老一說驚龍騰大青小青帝所御勢與八駿爭
馳衡先生此時行秘監危從幾賦汾陰行翔麟日給
盡龍種春風不省鳴鞘聲揚侯凝神洞化窟筆底抹
電流雲傾當時一紙萬金重曹霸撫掌江都驚生平
寫影幾千疋未若此圖真傑筆明窓一日百回看元
氣淋漓悵猶濕陰風獵獵吹旌竿雲黃草白沙漫漫
大奴乘秋閑清峻渥洼注洶湧翻晴瀾浮深角壯遂天
性不數南山之下汧渭間安得武縣三萬騎濁浪蹴

破東南天蒼茫回首鍾山渡一凱歸來入漢關華陽
春草三千里還似駟駟盡裏閑

和姚左轄梨花詩韻

主人愛花情不薄淚粉闌干愁寂寞東欄一樹要洗
粧走報詩仙揮翠杓醉歌不惜玉山頽明日春風紛
雪落杜詩韓筆世所驚大敵無前鬪清廓王城春事
歲如許三載癡牀如酒惡何時翳鳳駉群僊華時吟
眺青山郭

絳州法帖歌謝張元禮兼呈按察先生

君不見晉人九京吾莫與天遣元精留網楮絳州一
帖天下奇要以鍾王為藝祖內家中秘無雜收餉間
等書為世取固知瓦注覩天巧虎卧龍跳照今古羗

予嗜書味所守集古無由似歐九玉城陸海幾燃犀
下照光恠駢萬首管窺雖得見一斑隨即遺忘非我
有承君惠此石本佳銀字模糊真弊帚奔蛇走虺幾
千丈詭狀竒形驚戶牖手追心慕日有得顏氏服膺
承善誘明窓一日百回看十襲深藏重瓊玖就云好
竒家四壁破屋潤餘豐且部三杯適喜徑醉眠墨池
濡首追狂顛覺來捉筆便揮灑往往逸興驚蒙顛裴
旻劔舞凌雲煙作詩聞君君豈然料應一笑絕倒乃
父中令前

題趙伸器治古齋

我官御史三十月秩滿身閑在京闕朋從日約扣人
門閱盡名書古號饕餮古人不作古意在鬼刻神劔多

叵測喜逢治古齋中老論說精英探天巧及觀呂氏
博古書照服形摸總傳寶趙君陶鑄真好手元氣鴻
蒙驚再剖典刑駉駉三代英賜器政宣皆弊帚免憂
躍治不祥金蟲臂鼠肝爭好醜

題都山老人慶九十詩卷次胡貞外韻

古風三百聖所刪福履詠歌先壽考後人作計競朝
昏徇利覓官甘妄繆正緣得喪損天和稟受不只歸
簿厚劉公九秩固天與護養風神逾稚幼脫遺外物
委路塵保蔽元精若勳舊歲寒霜檜自後凋露影朝
菌不終晝笑看蒲水鴨頭綠細捲春風釀重耐一杯
吟醉頰浮丹不羨周人台背斲古未純孝錫類多行
見諸孫紛彩綬

惡溝行在平陽翼城縣北大尖山中

西鳥嶺下唐都鄙欲得平川心適喜馬煩車殆問前途人說北山路無幾朝來徑走山南坡崗勢稜層登陞址蜂回路轉十里餘驚度惡溝深井底偃身直下幾百尺十步徘徊九還止南來山行五百里屐齒磨平無可趾折升雲頂俯哀壑山似鯨翻掀鬚尾羊腸絕磴盤不盡眴徹前峰後如指王陽斥馭心固壯老馬凌兢垂兩耳曾中大物已隱然又爲此山相角倚我觀晉問非眼見今日河山真表裏畦田高下畫不
如煙崦人家穴藏蟻晉人勤儉風土然山頂開耕自山趾一丘一壑凡幾家而復唐侯風化始河東大抵九分山民既能勤生自救蠶繅保障兩雖拙獨有一

安差可擬山間一笑自絕倒汝亦何爲論治體忽當疑逕問畸人欲答予詢思所以如君面帶麋鹿姿遽縉塵纓解蘭芷優游文史恐難任涉險乘危胡至此世人欲速見利心捷徑趨時豈君子終南譏誚責未了千古坦途人所履咲揮植杖指東張汝急去予無我况若非隱者荷篠徒行念斯言真到理暮投僧舍不能眠走賦鄙詩還自筆

題趙城南王開鋪樓壁

老澗盤回幾千曲洪水平來兩崖出邑居遠邇依地形南北經行看不足羣山掩映肺腑如河水紫紆衣帶促畦田雖狹水所腹風俗儉勤仍歲熟東西南北總除官此心少盡物自安區區薄宦封丘耳有懷莫

遂空長嘆為問霍河橋下水驚湍能激懦夫肝

清江引為僧求真賦

秋江水清深幾竿漁即放舟煙渚間中流舉網紫鱗
出不祇博酒供盤殮借問漁翁樂何主泛宅浮家無
定所賣魚生怕近城門肯到紅塵汚人處蘆花兩岸
晚潮平憶著蓴鱸思徑去朝廷物色那可得澤畔行
吟何自苦滄浪水清濯我纓林婆酒熟容賒取人間
萬事一醉休睡煞江南煙與雨覺來滿眼是青山獨
速綠蓑還自舞漁父樂真可與細馮焦桐入新譜操有清引也揚來山城官事紛薄書亮吏對斜曛開圖空會
漁家趣我恨不若江頭人

張郎中彦身督太原祿運道出平陽索副

語為賤因賦是詩兼簡子初宣慰

元年天策開明堂千官劾佩爭翺翔當時張君正年
少快書不減陳元康我初得子知遠到自笑野鶴空
昂藏河山分陝嚴津吏六道煩君居右地十年坐聽
棹歌聲置散投閑非所意試難去易九幾書思遇蟠
根伸利器南未督運并門煙鞭箠心計驚孤騫万材
蔽河晉山兀目中已具龍驤艇生平故人王衛州東
南開府羊杜儔竹頭木梯方並蓄如君俊才當見收
自憐右屬橐鞬意射圃何時補唱籌

平陽官府行奉送部掾劉文偉北還兼簡
省臺諸公

平陽官府居上游我未視事星未周眼中之人競誰

得東西兩曹李尚劉一朝歲貢入民部折獄論文欲
誰語老夫雖獨心所喜雙鶻乘秋看掀舉自憐白髮
一衰翁終日區區簿頰中米鹽細碎固當略要以不
盡心為忤君不見鄭公溫國兩通判至今德業昭河
東嗟余何為秩尚等正有報國公而忠何顯至言豈
易得耿耿孤懷庸自適因同寄謝臺省公儻有伴未
慰岑寂

鷓鴣詞甲戌夏六月宿李將軍林館聞之
有感而作寄友生王宣慰子初

樹頭玄衣郎徃徃人罕識汝舌幾許長音響乃尔激
穿空裂霜竹借問何所職農家呼汝為夏雞隴月向
斜鳴不失田間趣起早耕人秀樾深歲曉無迹陰陰

夏木共山邑二十年前讀書客一聲鷓鴣夢入幽窻露
氣滿空庭樹黑只今早暮無所為兩眼昏昏頭雪白
咄嗟禽鳥逐時新我駭何由黑如漆

遊姑射山神居洞至元十一年正月二十九日也

幽巖洞如瞰陰壑洞中飛夢架虛閣真僊乘龍竟何
在香火千年事如昨蒙萊一言疑萬世猶死荒山九
幾輩何殊山石老且頑我欲破訂其能還呼兒喚折
山花看淡白長紅恐自然

比洞名王母洞

南山截然如案齊東西兩崖相抱圍洞中仙人去不
返老柏滿巖空翠微我來天氣二月初山鳥山花皆
友于野情本与樵漁熟莫遣遊人避使車

銅方爵歌為翟器之賦

荒陵盤盤枕山垆石麟埋沒秋草平陰燐夜出金作
聲牧兒走避群雉驚佳城一朝見白日神物還從野
人得勒銘壬子歲幾周考究古書猶可識篆文鐫刻
非近世周鼎殷盤迺倫儼兩柱作作貝形四趾垂
象齒雷章繞腹隱觚棱老鳳喙長鸞下陵主花繡泣
不敢銜翻成翠羽丹砂紫我觀三代制飲器多圓體
出尔形模方剴刻殆神思秋菌春蒲非可比物之隱
顯固有教流落君家得所止士雖好尚具眼少博雅
如卿古君子補亡呂氏充政重元氣林鴻開太始君
不見達人天觀者今古一昏曉人生極壽百歲止作
計千年意何窮我歌君試聽古人誰盡了九原不復

作此器君當寶一笑尊前為傾倒

短歌行山中寒食作是日遊李馬二墳

花枝入簾晴晝長將絲翻空網春光一聲金縷酒滿
觴聽子短歌踏春陽雲淡風清日將午信馬東城歷
煙鴟人家野祭須墓頭白白紅紅滿原圃飢鳥欲下
影婆娑不待墻間徹盤俎陂陵高下來麥青青貴賤賢
愚同一土况茲百歲忽如寄過眼浮榮誰比數古人
感此由重論力取功名照千古東崗時人說隴西攀
附雲龍摠風虎鉅株枝散勢莫依瀟索荒丘穴鼯鼠
豈期健婦持戶門一片豐碑論世譜林宗不作蔡邕
死旌紀紛紜爭媚斌銀罌酒燮藉草坐蒲引一盃私
自語吾家先壠在衛南老栢如林百年許起身未報

世有澤嗣及先君擬掀舉生平抱負奈數奇賣志下
泉良獨苦悲纏風樹逾一紀業在青箱恨難抒伐柯
有斧睨不遠負荷至予尤莫取一官羈勒晉州城竚
望南雲淚如雨

風秀丹山歌至元壬申未官平陽得之於
錄事參軍周翰臣處周子弱冠時同舍郎
也十一年春三月十五日與兒子鴻讀王
黼朱劭傳及僧祖秀華陽宮記因作此詩
以贈周云

宣和寶石真洲數萬狀卿雲照靈圖當年幾變秦太湖
空盪得網舡枯丸有丹山風秀微所譜縵縵金書瘦
於柳川郎携自河陽城夜壑雖深縱豪取一峰突兀

玉潺顏曾在紅雲顧眄間先榮後悴物常理我今感
汝為長嘆竭來伴予苑屋底憔悴秋娘歸故里清燈
搖搖光滿几爐煙作雲研涵水老虬蟠屈似求伸隱
隱猶能鱗甲起此時對君心境閑人為物遷今亶然
掩書瞑坐清思遠夢繞華陽松挂寒我思象江老守
尤酷嗜不惜千金輦致來長安家無婦兒居無廬六
石與伍歡有餘義山賞識豈徒爾愛蟠好尚極類古
人之意欵一杯下咽歌者誰南廓小子王共谿

醉歌行
燕平湖作時為平陽府判

蒼陂水漲玻璃滑堤柳含煙翠蒲茁當年亭館已陳
迹老樹遺臺猶秀拔我來置酒池上頭使君不負驄
馬遊縣曹供張散平碧呼集妓樂羅珍羞君侯一笑

開懷抱十日東風醉芳草自嗟客子何所有春色三分二分老人生歡樂不易得况值清明時節好終年塵土薄書裏未礙金尊重傾倒湖光照眼明羅綺碧歛瑤翻歌扇底氣酣急遣張水娥取樂不論冠佩委溪風吹面穀紋生兩葉蘭舟鏡鼓起紅衣飛墜彩繩高波入蒼煙驚躍鯉郡人亦喜歲華新四面縱觀空巷里佳人弄水被不祥公子聯鑿特觀美錦筵香細酒不空既醉窮歡忘誇靡溪神捧出柘枝娘翠袖娉婷矜便體繡靴畫鼓隨節翻羅襪塵生步秋水一春盛集固云樂此會賓僚尤燕喜山陰修禊晉諸賢暢叙幽情差可擬客言行春似蜀守醉到浣花而已矣樹稍晴日向斜暉使君皂蓋先醉歸就中二公取愛

敬核次臨流盡餘興一杯未了風翻浦山公倒載尋歸路自憐白髮非春事多爲湘妃厭歌舞呼兒覓紙紀歲時不以斯文烏所觀至元乙亥三月春元已纔過日在寅浩歌月底還自笑醉裏詩成似有神上二公謂同知張明卿治中忽吳甫

玉璧城懷古至元甲戌冬十月廿五日由稷山入萬泉道出故城臨風吊古慨然有作

我行河東幾欲遍大抵盤回山阜轉南崖高與北山齊玉璧城根分一綫荒煙廢壘點杯土砲具梯衝經百戰短碑盛說鄭君靈萬騎陰風想平甸一曲悲歌救勤川當時神武已凄然韋公守禦儘良策更著百

升飛上天乃知誣殺咸陽日即是邕皇入鄴年鄭君寬封魏有宋元祐間廣碑邕即字文武帝名建德六年平齊入鄴

聽祥師彈琴十二年四月初四日野真崇福院作

冠帶對鳧吏三年簿書叢王事固執掌我祿亦已豐
有時意不愜耐此硯磊曾濁酒餘妙理中堅若為攻
朝來偶過野僧話禪房花木幽而通坐中靈府覺虛
寂祥師為我彈秋風古人不復作古意留焦桐秋聲
瀟瀟隨指發煙篆裊裊紫簾重悠然拂衣起遠日翻
冥鴻閑愁積思失所在盡隨槁葉一掃千林空

襄陵行

暮春庚辰日維丙駕言出遊事耕省西郊微雨半晴
陰幾點殘雲霧山頂馬蹄踏破落紅香飛盡遺蹤

柳影晉人熟食一月節店舍無煙竈厨冷春到襄陵
滿縣花綠陰池館揔姚家清尊遠酌會心賞不與鶯
燕爭春華盡輪歸輾故堤沙金店西頭酒更嘉舉杯
為憶劉漢事雲龍風虎何紛拏帝洲東開菴峻址青
衣行酒直驚麤褰帷一笑兩寂寞野老指點官臺窪
妻迷悲碧荒城曲依舊溪流帶北斜

贈賈主簿德遠赴春官

唐風思遠非難治竊戒官僚多自棄賈君三載趙城
簿一縣至今稱事事秋風告別赴春官千里辭親不
憚難須知捧檄毛卿意要盡平生菽水歡

戴松盡牛圖

吳儂四時耕瘠煙具牛見月心茫然戴即此本極閑

逸筆意遠出韓公前解縻脫鞅春車卑江臯野草香
辛綿歸鞭影亂散平楚考牧大信斯千篇因渠喚起
歸耕興夢到西山谷口田

李營丘寒江晚捕圖

古人不地著所向無賦粗漁蠻舟為家一葉縱所如
斜陽淡淡明江湖萬魚戢戢依寒蒲幾家曾網晚未
已樽酒欲得松江鱸卧檣傍舫宿波面不爾風浪防
艱虞何當醉帶笮簪去添我煙波作釣徒

七夕日同府僚觀稼西郊

秋風蕭蕭吹遠林兩山極望秋禾深同來觀稼憇樹
下把酒一笑高槐陰天公成事乃尔易一雨變作豐
年吟田家耘耔心未已當午相看理荒穢鋤端信有

三寺澤更為禾頭添粒米自憐微宦西復東且喜所
向無災凶丘民得所能事了我祿雖薄亦已豐老農
堅話使君惠我曰論功歸太空天子仁聖氣致時雍

黃崖行

黃崖峪深能幾許殆似赭餘無足數寧知竒石產山
腰一脈砌如縈綬組青章紫質含玉潤錦蜀爛斑驚
製縷楚雖有材為晉用山節星馳來歷覩簡書專摘
正官臨敢惜筋骸嘗險阻褰裳上下谿谷間石角鉤
衣互撐拄是時秋暑八月交背汗浹流氣煙吐班荆
坐憇還自笑汝是愛山王判府守官四載愧無功今
次於公竭肱股役夫分功日有程荷鍾持鏡編什伍
摧堅抉礙先墓脚不假鞭驅矜智取風埃蔽壑散雲

煙巨石砰崖轟戰鼓不遑蠟屐阮孚遊真作伐山靈
運舉老翁炷香適何來再拜向山親呪誚溟滓纔分
有此山其在晉邦羣玉圃山靈萃秀不自銜埋沒荒
山幾風雨材爲世用出有時一旦承恩藉君武漢家
製度陋羸秦大起明堂朝海寓堂堂天策千維城建
國分茆開雍土正須壯麗稱王宮不爾何能回萬舞
我今問翁汝何為扶杖叮嚀前致語翁云匠業居此
山薄伎傳家自吾祖我雖垂老喜見此側陋明揚遇
時主夕陽欲下山更好疊巘攢峯爭媚斌人為物蠹
固亶然石方石方今玉汝

曲沃道中與老農語

大尖山前好原隰隴畝橫縱忘南北人家種麥秋社

前一涉蒼煙朝雨濕田家稍豐即升平十年遊宦初
無成會湏了却人間世白髮歸來伴汝耕

新道成車中即事

蜀山天險古所畏少陵有懷真宰罪壯哉此舉見成
功一日連峰驚破碎老農偃倭向余言所謂一勞而
永逸相携徑下弱羊巔鳥語山容兩豁然牛箱籠負
連連出坐看輕塵抹白煙

金店馬生者贈余峴山圖走賦是詩以謝之

平生愛山復愛畫近歲長遊石林下暫還大府宿金
城喜得馬生同夜話共云馬生非畫徒見來情性溫
而愉坐間贈余峴首畫江山秀潤與馬俱取之非欲

奪所好開卷即與馬生對坐隅物微意厚將何答走
賦新詩當乘珠

山中瓏研歌寄商左山副樞

有石有石玳瑁色遠出姑山兩岬側我來伐采偶得
之王潤金鏗駭清越海霞蒸發爛朝暎蒼雪糊模點
晴碧石中廼有此理存齏就庚庚玄色鮮又如神龜
負圖出淵水偃仆沙頭曝秋日山中長夜有餘暇老
眼看書苦無力挑燈確洗愛奇章憑几坐餘腰膝屈
書生習氣老不除筆研留心朝復夕自憐持此果安
用欲擬三冬文史畢呼兒起視夜何其斗柄參橫擗
東北

題董少平廟壁

湖陽蒼頭虧政刑湖陽新貴帝女兄漢家三尺有成
約臣宣守法身為輕主前取奴縛車下洛陽一市為
震驚大奴走匿魄已禡小奴側足回輿行含悽入奏
溫明殿後漢殿名萬乘起謝難為情祗知強項古遺直我
愛世祖英而明一丘荒上青山道下馬陵前拜秋草
應笑摧姦百鍊剛比比系夷指堪繞

吳娃行

至元十三年丙子歲冬十月廿八日宋皇太后謝氏次衛州唐津

吳是日即舟行東下故有是作

元年長星竟天芒

謂至元年也

十年而後江東亡元城差

姬忍不死奉璽北走朝

天王內家監領分嬪嬙魚冠高髻猶宮粧翠衿縞袂

不曳地言語無異甌閩僖南來初渡鐘山江羅鞞去

踏燕雲霜風塵千里河朔道慘淡粉黛無晶光憶昔
掖庭初選入十五十六先後行深宮花滿春晝長笑
蓉水殿薰風涼朝儀雙引垂紫袖珠櫳曉侍熏籠香
祇知秦娥一生花裏活眉嫵老學吳山蒼一朝兵合
景陽宮故國繁華侶夢中兩宮間寢紫宸仗往事盡
逐江烟空黃惟幕野俯水次郡縣護送浮航東万人
山立看且嘆二國大略今古同太極殿前天子班玉
觴上壽頌龍顏柴家母子何負汝賜與僅免飢與寒
悠悠万事不可必天道好還歸有德就中此理誰會
得蓮華峯下高眠客

鎮州懷古

吏部聲華山斗重身處平時若無用積年玉湊失臣

度諉使賊庭撩虎鬚舉朝嘆惜試不測天意中間表
奇節血衣滿前盛氣臨一語未畢竟鋒折鎮人萬目
矚使華五紀得瞻唐日月嗚呼藏器於身利有餘不
遇蟠根何所別

周卿二子歌

周曹兩家世系長伯仁之德再世昌諸孫誥誥見身
後不數謝家蘭樹芳大兒讀書書滿箱小兒竹馬青衫
郎掌中瑜珥生輝光紅點杏蕾爭晨粧外家碧沼東
西堂金粉滿貯芙蓉香今冬書來召歸省要畫百子
春池傍伯仁有靈亦含笑紫川淵流殊未央紫川淵
流真未央

冬十月朔展墓田有感

新壘多故人少野祭蕭蕭浦荒草十年重到故鄉山前
日兒童冠佩好我時引鏡還自憐五十衰翁能不老
正須萬事聽天公不用時情生熱惱流行坎止即吾
師試看古人誰盡了

蕩樽歌 為宋少卿弘道賦

海屋兩間勢雄尊地維火荒足怪珍春雷奮蟄地軸
裂氣擁蕩本驚輪困雲蒸露濯玉幾園瘿異不數蒼
箕孫洞蚤杯飲變古法蠻屈斧斷蒼龍根一朝六鑿
混沌竅海潤猶帶風濤痕初疑神螺闖首鬚鬢占復
訝凍芋出土鴟鴞蹲坤塢古非禁酒國桂醕碧漱瀆
池春木蘭花發雪鸚囀野飲挹彼供鯨吞江妃竊弄
山鬼看深夜嘯擲吹燈昏炎洲北定落君手孝節閱

世清而敷廣平磊落書載腹時浥妙理開清樽金壘
玉笋非我事正須一日不可無此君殷舜周固列左
右碧花繡漣腥龍紋為之為尊尤可人寒子蕭散秘
列客黃燼久為河山醉來遊者邑秋永久若恋明時
無寸策新豐樹色繞千官滿馬京塵歌偈側何時為
渠醉倒枕渠眠一夢婆娑竹林國

西京王生歌

君不見見西京王生一布衣游談公卿奚事為解紛畫
策作陰助碩昫勢利輕璧泥延中結襪似倨傲一語
能釋當時疑惜哉太史偶失世典諱至今義烈猶光
輝軋坤英氣初不問乃今復得是子趨人之急逾已
私襟期有在許諾重駸足肯受黃金羈凍雲曉拂金

馳陌雪花澹與梅爭白平明東門給事回家近沙堤
儘春色新詩吟繞錦窠香笑作平原眼中客人生百歲
駒過隙只有聲光為可惜丈夫適意杯酒間義氣愛
君多感激岷峨秀色錦江波萬斛醲薰貯骨臆細細
都作濟時具辨與朽株為粉飾吹噓寒律變陽春未
讓王生謀緩急君家義鶻固有歌更為樊川搖醉筆

秋澗先生大全文集卷第七

